

N.Neikšanīts

DUNDURS SKUDRU PYUZNĪ

Fabulys

1946

Satura rōdeitōjs

I

- 1) VYSU IZBAUDÄT!
- 2) LELS VEIRS
- 3) MUZEJĪ
- 4) GENIALS
- 5) ŁAUNŌ ACS
- 6) NASATICEIGĪ BRÖLI
- 7) PYRMS NÖVIS
- 8) ZEMNĪKA ATRĪBEIBA
- 9) IZ AZARA
- 10) VEIŽU POSTS
- 11) GRĀFĪNĀ
- 12) VACMĀITYS BĀDA
- 13) LEKY PLANI
- 14) VYSU PĪDZEIVÖT!
- 15) JĀGYS MAKLĀTÖJS

II

- 16) MYUSMERĀ
- 17) ROGOVYS I ROTI
- 18) AKMINŠ
- 19) PÁLIS ÁSTĀ
- 20) PÖVS
- 21) SLOZDĀ
- 22) GUŁBŞ
- 23) MEDEIBYS
- 24) APMĪRYNÖTĪ MIERKAČI
- 25) ŌŽA VIŁTEIBA
- 26) KAČA
- 27) LÖCŞ
- 28) DUNDURS SKUDRU PYUZNĪ

29) LAPSINĀ I BITĀ

30) KAČA PRÖTÖŠONA

31) ŽIRAFĀ I KROKODILS

32) LAUVA I SLĪKYS

33) VÖRNA

34) BEZGALEIBA

III

- 35) VIESTURISKS DIALOGS
- 36) BEŅDĀ
- 37) NARS
- 38) DE PLAFON
- 39) PIRAMIDA
- 40) ZVAIGŽŅU TULKΣ
- 41) DAIDALA LABIRINTI
- 42) PAMOZ VIESTURIS

IV

- 43) VYLKΣ I LOPSA
- 44) SYLTS SALDIEJUMS
- 45) BALONS
- 46) KUCALĀNA NADORBS
- 47) VYSTA DEIKĪ
- 48) SMOGÖ NOSTA
- 49) KAČA VACUMS
- 50) ZVIERBULŞ
- 51) SKRŪZĀ
- 52) DOBYS PRÖTS
- 53) LÁLIS
- 54) PÖRSOKYS

I

JĀGYS MAKLĀTŌJS

*Meklāļ litom kūdulu ir
dorbōšonōs syura.*

VYSU IZBAUDÄT!

Kai dažkōrt jauneibā mums golva apzagīž,
I rōdīs, vairōk varom nāst, na mums ir spāku!

Straujs jauneklis ţaiz golvu rīž,
Jiut kryutīs pōrcylvāku
I sauc par speiti vysam pasaулám:
“Kai vysi dzeivoj, nadar tys nikam!
Vyss palāks, bōls, vyss bezkrōsains.
Taids palākums ir eistōs dzeivis zaims.
As izdauzeišu peliejušōs dzeivis ryuti,
Lai vysi vieji, vysys smaržys īškā sleid̄.
As dzeivi izdzeršu ai pylnu kryuti.
As grybu dzeivī vysu izbaudät!”
Klausōs mōtā, palīk volgys ac̄.
Vōrdi naleidzās, jei zyn. Lai rauga pat̄.
“Ir jau vāls,
Palič šūraiz sātā, dāls!”
Vōrdi taidi naleidz jam.
“Dzeivī vyss ir jōpajem!”
Smīkly, nauda, deju prīks.
Cytim sōp? Cyts cīš? Tys nīks.
“Maņ gon rōdīs, dāls, na tai
Jōteik dzeivái baudeitai.”
Ausš gon dzierd̄, a tik pa pusái.
Sirds, tei baudōs reibstūt, klusej.
Bet na ilgi prīki rysa.
Atnōk breid̄s:
Gors väl olkoj – naspiej mīsa.

Īt niu tys, kas nabaudeits:
Slimeiba kai dodz̄ dur kryuti.
Naspiej priks vairs golvu slīt,
I par vysu dzeivis ryuti
Solti solnys zīdi zīd,
I kod rudinš dīnā polsā
Vaicoj mōtái sōpu bolsā:
“Mōt, kai rádzīs, voi as varu
Sagaidāt väl pavasaru?”
Redż – vysys durs ir aizvārtys
Ni patş vairs teiç, ni patş vairs cer.
Vysys baudys izdzartys,
Väl tik mīlis jōdadzer.

LELS VEIRS

“As vakar sazatyku vīnā cīmā
Ai, zynot jū, tū lelū veiru!
Māš draudzeibu ai jū, tik sirsneigu i teiru,
Nūslādzám jau pagōjušā zīmā.
I tagad jau tei draudzeiba ir vaca.
Jys izsyt maņ paļ cytuŗaiz iz placa,
I tod muns draugs, kas spielej operā.
I tys, kam ir tys ratōs sugys sunš,
I tys, kas romanus i dzejis roksta.
I tys, kas vakar vokorā...”
A acş tam runōtōjam tai i loksta,
I patş jys jiutōs varons, svareigs kungs.

Jam pošapzinis gon. Jam ir tik jautri.
Tá vīns nu sabīdreibys īzaprosa kautri:
“Ak, lyudzu pīdūdit, a kas jiuš patş?
Jiuš laikam nazkas rats,
Ka jiusim vysi slavonī tik tyvi draugi?”
Šys otkon, raugi,
Lai i baileigs beja,
Tik tō pec vōrda paprasäja,
Lai varātu storp pazeistamim līlātīs,
Ai kaidim veirim jys spiej draudzātīs.
“Ak, as? Nu da... Väl pagōjušā godā...
Tys tai storp cytu... A kas šū jautōjumu skar,
Tod ir väl cyti vinim rodā...
Pag, kū as gribieju väl teikt? Ak, tai — väl aizvakar
Pi poša vokora
Ar sovu draugu as väl sazatyku operā...”
I raugi —
Nikō napasaciejş, jau tōlōk grīžās tukšīs rots.

Maņ rōdīs, cylvākam ir lobōk naprasāt — kas ir jō draugi,
A labi apzavārt, kas jys ir patş.

MUZEJĪ

Bej divi draugi īgōjuši muzejī.
Tī skaistūs rāmūs lelu veiru sejis.
Obi dūmeigi tik golvys grūzāja
I vaicōja vys tū, kū atbildät nav spiejis.

“Par kū šū veiru Lelū sauc?”

“Varbāt par tū, ka jys bez izcyls veirs.”

A praseitōjs tik dūmeigs pīri rauc.

“I kas tys ir, kas jū ir šķierš

Nu vysu ļaužu pulka?”

“Kaids viesturnīks varbāt.”

“A leluma cik ir nu poša tulka?

Voi mozīs patš var jāgumu par lelū giuļ?”

“Tu vacu lītu proš. Jau ļaudē nu kura goda

Sāv taidu vaicōjumu stota,

A atbīldis leidz šam vāļ nav iz tū,

Voi mozōks spiejeigs viertāt augstōkū.

Ka itai vaicōsīs, to vaicōjumā tu sāvkurā

Vari ībraukt pūrā”.

“Labi. Praseišu as tīši — par kū jys izcyls bez?”

“Jū taidu sauc.” “A sauc par kū?”

“Par tū, ka beja tuids.” Par tū — par kū. Par kū — par tū.

Tai atbīldis i naatras —

Kai vīns var atsaškierēt nu bora?

Maņ tūmār nasapras —

Par kū jys lels, a as — as tik mozs?”

“Kas zyn, varbāt par tū, ka jys i darēja, i zynōja kū dora,

A tu — tu tik proš!”

I voi ir taidu vaicōjumu moz,

Kur prasās vīns, ūtrs atrunōš,

Koč atbīldis i nazynōš.

GENIALS

Vīns veirs,
Nu līleibys na vysā teirs,
Saticš draugu ţaiz iz īlys,
Par karu runōt sōc i līlōs:
“As bȳtu genials,
Ka bȳtu generals.
As ceinis nūvadeitu cytaidōk kai cyti.”
“A voi tu karā beji? Īnaidnīku syti
Kaut kod?”
“Nā, tō gon nikod.
Bet as tik dūmoju...”
Draugs tikai smeign par tukšū līleibu.

Kū niu par tū!
Tai kotrs bȳtu gudrs jau,
Bejš jys tik tys, kas jys väl nav.

LAUNŌ ACS

“Kur tu skrīsi?
Kū tu dori?
Nak jau pīnu ūrā līsi?
Voi to līkīs palīk pōri?”
Siebrineica ūtrai prosa.
Saimineicai runa osa:
“Nūbūrts, mōseņ, nūbūrts pīns

I lai nu būrtō pīna škodis navā,
Tápaļ tū izleju pi klāva.
Vairs litris vīns
Tik pīna gūvái ūrā dūdās,
Niu jau kotrs saprass̄ patš,
Ka klāvā maisōs ļaunō acš
Tá siebrineicai aizdūmeiba rūnās:
“A kod tu gūvái šudiņ devi äst?”
Tá saimineica glupu skotu verās siebrineicai viersā
I tik kū jaudoj muti pläst.
“Ak voi, aiz vysom būreibom tys šudiņ aizamiersa!”

Ľaunō acš —
Tu patš.

NASATICEIGĪ BRŌLI

Pīci brōli dzeivōja țaiz vīnā mōjī.
Dobā slynki bej i saticeibā vōji.
Pi dorba meklājās, ka mozōk darät,
Pi golda pīzasiedš, ka vairōk pareit,
I gordōku.
Par taupeibu, ka aizturät iz laiku borgōku,
Tō jīm i golvā navā.
Nu tō bej sāta tei pavysam slyktā slavā.
Raiz vyduskīs nu meža atbrauc mōjī
I tik kū zyrgs pi vōrtim stōja,
Jys jau iz kieki skrīn

I vysur meklät̄ lin,
Nu dīniškom voi nav kas palic̄ pōri.
Jys gulbys īrauga i matās kōri,
Ni nūjiem̄ capuri, ni pōrmet̄ krystu,
Sausōs gulbys čer kai captu vystu.
Vīnu ād, jau ūtru rūkā tur.
Pieški jiut, ka nazkas mālī dur.
“Ak, itai, mīlī muni?
Par nīku mani turāsit, par suni?”
Jys nykni sōc iz brōlim lomōtīs.
“As bȳšu tys, kas strōdōt̄ īš,
A jiuš tik gribit mīlōtīs?
Cikom as iz mežu braucu,
Jiuš siļčis ädāt? Kai tū lai saucu?
Voi brōli itai dora?”
Tá vīns jam preteim sauc nu bora:
“Tu, brōleīt̄, apjymts asi nak nu ļaunō gora?
Māš siļču narādzäjam jau nu kura gada”
“Ak tai? A kas to tá maņ māli boda?
Jiuš siļči apädāt i niu väl mani krōpit?”
I jys ai pierstu mutī lein.
I izvalk tū, kas daräja jam sōpi –
A tei tik prižu skuju viņ,
Kū patš jys atvedš ir nu meža tōlīnis
Iz sovys ausainis.

Šam stōstam pamōceiba eisa jōsoka:
Na vyss, kas dur, ir osoka.

PYRMS NŌVIS

Divi sliminīki guļ iz nōvis cysom,
Nu dzeivis jōzaškir.

“Maņ Dīvam jōpateic par dīnom vysom.
Taidu dzeivi dzeivōt dar.

Ni bogots beju as, ni ļaužu mynāts,
Ni kolnus gōzš, ni sōvīs tai kai viejs,
Ni gribiejs tō, kū naīspiejš.

Vysod ai vysu sadereibā beju vīnōts.
I niu pec dzeivis gaišys, klusys,
As grybu īt pi mīra dusys.

A ūtrīs miriejs džārdz väl, spākim seikstūt.
Jū namīrs svaida,

Jū škieršonōs nu dzeivis pōrōk baida.
“Maņ jōmierst, vysu neistūt!

As naatrodu sovys dzeivis jāgys
As beju bogots, ļaužu slavāts;
Nivīnā celā natyku as kavāts,
Bet nazkas vīnmār prūjom bāga.

Aiz kotru īgivuma jauna
As jutu tukšu vītu

I lykōs vīnmār — tōlumā kaids smīklā ļaunā
Par mani smītu.

I tai nikod nikō maņ nabej gon.
Nikod nikō as nagivu leidz golam,
I niu, kod mon
Jau dzeivis gaismu bōlam,
Taids naids par naīgiutū laimi,

Par indis pilīnim ikkotrūs prīkūs,
Par dzeivi, izbyrušū nīkūs,
Par tukšuma i mozvierteibys baimi.”
Jys apklust pīkuss.

Veļti cytys laimis ilgōjās tovs prōts.
Tova laimá — esi patş.

ZEMNĪKA ATRĪBEIBA

Ai ministru ţaiz zemnīks sazateik
Tam naz kū prasāt gryb,
A kungam smolkijam pavysam napateik
Ai zemnīku iz īlys stōvāt.
Jam acş vysapleik tai i zib,
Kab ļaudš tik namona,
Ka zemnīks prosts, bez kaida fasona,
Jū ļaužu izsmīklám gryb ūvāt.
Bet nak jau cylvāku pavysam prūjom dzeiš?
Jys tō pec soka: Atáj cytu ţaiz!”
Zemnīks jem sáv tū par jūku
(Dareišona nalela jam bej).
Nūzasmej
I atmat tik ai rūku.
I rádzīs— vysa līta golā.
A nā!
Raiz automašinī
Ministrs aizbrauc tymā molā,

Kur dzeivoj zemnīks tys ai sovu saimi.
Kai braukts tī tyka, nazynu,
Bet īdrōž auto vacā vīšnī,
I kai par nalaimi voi laimi —
Pi zemnīka tō poša sātys slīkšná.
Kū darät nu?
Guļ auto grōvī.
Leiņ niu zam tō i skryuvái, prōvi
I nazyn väl voi izīš kas?
“Eh”, dūmoj ministrs “lai, nikas
Īš lobōk prasāt paleiga
Nu zemnīka.”
Kū darät zemnīkam?
Nak cylvāku pavysam prūjom dzeiš?
Jys tō pec soka ministram,
Kū patş råiz izdzierdiejš: “Atáj cytu råiz.”

Iz atrībeigim ḥaudim lobs nav jōtur prōts,
A itū råizi tyka tūmār labi atmoksōts.

IZ AZARA

(Pec tautys anekdota)

Svātdīn Stonş iz sātu brauc
Pōri Eša azaram
Vīsulş snīgu gaisā jauc.
Stonş tik izsyt zirdzenám,
Prīceigs braukt, jys sīvai soka:

“Kōjom īt niu līta švaka.”
A ka pavāst̄ kas jam sauc,
Stonš zyrgā sāstīs napasauc.
“Lai īt, kas īt! Lab tam, kas brauc
Jys bōrzdā ryuc i tōlōk trauc.
Tá iz pagrīzinā krušō
Izkreit sīva nūgurušō.
Stonš tō steigā napamona,
Syt tik zirdzenám iz sōna.
Dzierd̄ gon klīdzom: “Pagaid, Ston!”
“Maņ jau vazuma tai gon!”
Väl nu tōlinis dzierd̄ saucom.
Jys tik nūryuc prīceigs klusi:
“Lai klīdz, kas klīdz, a más, bōb, braucom.”
I rikšoj tik iz sātys pusi.

Cytam paleidzät̄ ka līgsīs,
Patš ai bādu sazatiksīs.

VEIŽU POSTS

(Pec tautys anekdota)

Ķaiz puiss vīns brauc iz vazuma ai molku,
Golvu napalīc pret vōrtu bolku —
Sasyt pīri. Izlāc puns.
“Dīveņ muns!
Kai táv tys gadājās?”
Dzierd̄ jys — svešys bōbys bolsu.

Bōba cyta pogosta

Iz sātu īt nu oplōta.

I kod pret vōrtim veižoj jei —

Godōs nūtikē nalaimái.

Puišam jaunam

Nazagribīs lelam kaunam

Nūtykušū daudzynōt.

Sōc jys bōbu pīrunōt:

“Ša táv, čoceīt, rublis, tik viñ klusi!

Mīreiga tu áj iz sovu pusi,

Nastōsti nivīnam, kaida līta nūtykusá!”

Jem bōba rubli. Tōlōk īš.

Sūlōs runā valdātīs.

Nūgōjusá celá golu,

Rādz jau tyvai sātys molu.

Sateik ūtru takali —

Sābru Madali.

Tai, kai bōbai, zynōtkōrā osa,

Tivleīt prosa:

“Kur tu bejī?

Mož kū jaunu saklausieji?”

“Ai, mōseň, poša redzieju,

Kai bej ai moltys vedieju...

Ot, tik tys rublis nadūd vali...”

Veižoj bōba atpakaļ.

Puišam rubli dūd i soka:

“Dieleň, maň tei mälá švaka.

Jam sáv rubli atpakaļ,

Bo maň grākā īkrist̄ bail̄.”

Skrīn niu stōstāt̄ Madalái,

Rádzāts pošai beja kai:
“Vádá molku...
Narádz bolku...
Bolka kryta...
Sazasyta...”
Voi Madalá var vałdätis?
Jau jei tōlök stōstät skriś:
“Bāda, bāda nūtykusá...
Svešā pusi...
Bolkys kryta...
Daudzi łaužu nūzasyta...”
Jaunō ziná nōk ai auri,
Veižu posts klīdz lelū tauri:
“Kaimiņu paṭ parapeji
Dīva strōpá pīmekläja:
Sazagōzá meži lely —
Nabašnīku pylni celi...”
Puiss, kam pīrī moza puna,
Nazyn, ka nu jō tei runa.

Ka táv par lelom lītom stōstu sōk,
Papietáj, voi ziná na nu “veižu posta” nōk.

GRĀFĪNĀ

“Muns kungs, kū gon jiuş dūmojot,
Par kū ai mani vīnkōrši tai runojot?”
“Voi nūticş jums ir kas?”

“Cik naivi proš tu,
As asmu grāfīná, as smolka dāma!”
“Pec taisneibys
Nikō as nasaprūtu lītā šymā.”
Jys izalīk par prostu:
“Kas tys ir “Grāfīná”? As grybātu lobprōt
Lyugt maņ tū paskaidrōt.”
“Hm. Nazynu, kai tū var teikt,
Naz, vyspōri voi tū var vōrdūs veikt.
Pi atteisteibys lobys,
Tys pošam jōsaprūt nu dobys.
“Ak, tai! To sapratiejam laikam vajag grāfam být?”
“As nazynu... varbýt...”
“Da. Līta saregžēita. Saprasṭ gryut.
Varbýt tai vīnōtīs más varātu
Vaicōjumā šymā –
Storp grāfim esit grāfīná i smolka dāma,
Tik cylvākūs jiuş raugit být par cylvāku.”

Vysu gudreibu, kas šymā stōstā beja,
Mums runōtōjs jau pasacäja.

VACMĀITYS BĀDA

(Pec tautys anekdota)

Cīmā vaca māita beja,

Tik nasmuka kai vysi nōvis grāki.
Jai vysi spāki
Iz tū viņ izkiupāja,
Lai kai naviņ tik tikṭ pi veira.
A līta vīnmār beidzās teira —
Nivīns jōs nagribāja.
Raiz īt iz bazneicu jei Dīvu lyugṭ
(Par kū — tū kotrs jiut!)

I rādz — pi bazneicys sād ubadzeitā vaca,
Lokots saplāsts jai iz placa,
I lyudzās sirsneigi.
“Ā” maita dūmoj, “pagaidi!
Niu zynu as, kū vajag daräť,
I verīs — veira dabōšu as reit voi pareit.”

Jei nūjem jaunū lokotu nu rūkys
I atdūd ubadzái,
Pīber naudys kliepī i pi auss tai dazalūka,
I lyudzūt itai soka jái:
“Táv sirsnená tik teira.
Par mani palyudz, mōsen, Dīvu,
Lai dreižōk tyktu as pi puiseiša par sīvu.
Tai gribīs, mōsen, veira!”

Verās ubadzá: šai veira! Nu taišni jōzasmej,
Tik nasmuka i godu koč pīcdesmit, kas zyn?
I tō pec leidzjiuteigi soka jai:
“Lai jau Dīvs dūd. Ali nazyn!”

Kotrs, itū nūzaklausiejs, sacäs:
Kod laiks ir pōrgōjs — naleiņ Dīvam acīs!

LELY PLANI

Ķaiz pōrgudrs veirs pi sābra aizīt gostūs.
Storp obom sātom beja pūrains mežš.
Tá, svešā sātā, cytam atsatureišona rostūs,
A cytam nā. Jys tivleņ muti plieš:
“Itū mežu tá i pūru
As par lelu škiersli turu
Mýsu sirsneibai.
Pa munam ūtrōk vajag pasōkѣ tai:
Vysu cytu dorbu pamāstѣ,
Mežu izcierstѣ, zámi savástѣ,
Pūrā sabärtѣ smiļktѣ ai gubu.
A ka dora tū ai skubu,
To bez izpaleigim svešim
Veikѣ var tū pa godim sešim
Dorbs tys býtu līta svāta.
Obys zámš kai vīna býtu sāta.
Kotru reitu sābram pamōtѣ varātu ai rūku.
Cīmā staigōtѣ navajdzātu vairs ai lūku.”
Klausōs sābrš: “Kas tam sprucš?
Jūkoj jys voi patiš jucš?”
Nūzasmiejīs soka jam.
Pōrgudrijam kaiminám:
“Mežam pīci godi vajag caur cierstīs,
Lai as tovā lūgā varu pazavärtīs?
Pi dorba prōteiga vairs seši godi naliktѣ rūku,
Lai celš iz tovu sātu naītu ai lūku?

Kū tymā laikā siesi, pļausi?
Mugorā kū vilksi, kōjōs ausi?
Cikom mežu izciersš, pūru nūrakš,
Mīsu sātys bodā nūsmakš.
Tu par korstu sovu dūmu lámi,
Taidu spieiļi navar sōkš ai mīsu zámi.
Lobōk pakluš! Nūzamīrāj prōts!
Gon caur mežu ceļš ai laiku patš tikš īstaigōts.”
Tai runu beidz, kod rádz, ka kaiminš gona rōts:
“Paldis Dīvam, ka väl dzeivī nanūteik tovs prōts.”

Jau i mīsu sātā gudrinīki rūnās,
Kas par nōkūtni teic gudrys runys,
Izadūmoj kū i — līta svāta.
Kas par tū, ka gora bodu jōmierst tāva sātai.

VYSU PĪDZEIVŌT!

“Dzeivī pīdzeivōt as grybu vysu.”
Draugs pīzačer pi vōrda,
A patš sāv smejās bōrzdā.
“Ak tai? Dūd, izdūršu tav aci as ai cysu”
“Tu glups?”
“Tō nagribi? Pōrciersšu ai ciervi kōji.”
“Tu rups.”
“Tū ari nā? Varbūt tav nūdadzynōt mōji?”
“Nā, kas tav ticš?
Kō pec maņ grybi darāt tai?”

“Tu patš maņ taidu dūmu esi līcš.
As grybu niulá kolpōt tai
Lobprōt
Táv grybu īspieji as dūt — vysu pīdzeivōt!”
“Vot prōts maņ nazanas
Pec cīšonys.
Nu itō, draugs, i patš tu prūjom skrītim.
As laimis vairōk grybātu,
Kab rasť tōs varātu.”
“Voi dūmoj tu, ka atsaškir ai tū nu cytim?”

Redz: kōreiba vysod pi lelys nostys čerās,
A vālōk īsōk plakē, kod labi apzaverās.

JĀGYS MAKLĀTŌJS

Beja cylvāks - sovaидnīks.
Jys, dzeits nu jāgys boda.
(Tam ir na vīns viņ gorā roda!),
Juta, ka jam prīks
Ir mekläť vysur kūdulu.
I prōts
Jam kai nu slimeibys ir mōkts.
Pieški saslymst jys ai nūdūmu:
Kolnam sirdi sameklät,
“Tys navar bȳt” jys soka,
“Ka navarātu spät
Rasť kolnam sirdi. Voi kaut vīns jau roka

I mekläjäs.

Kab drūši pascät varātu jys jau,

Ka kolnam sirdş sovs nav?”

Tod pōrzajiemş nu dūmys šōs,

Jys kolnā rūkās.

Rūkās kolnā dīn i nakt̄.

Spāki seikst i tulznōs rūkys,

A nabeidz rakt̄.

“Jau, jau as dzieržu — puksṭ tyvōk kolna sirdş.

Tū atrakšu. Lai kōrta pādejō väl plūk.”

I otkon lelā spākā acş jam mirdz,

Spāki aug. Jys otkon rūk.

Pieški pādejs smilkšu klojs bryuk sabyrzdams,

I otkon saulá, otkon breivūs vieju auri.

Kolna sirdi vaicōdams,

Jys izaracş tam cauri.

Gryuši

Nūzapyuš:

“Ka grybu, varu otkon sōkt̄.

Vin̄ vairōk gon mañ napanōkt̄,

Kai — īkōpt̄ jaunā bezgaleibys jyurā.”

Vaicōt̄ lītom kūdulu — ir dorbōšonōs syura.

Tu vaicoj, mekláj, ūrbīs, rūc i dur̄.

A tōli naspáj tikt̄ nikur:

Táv priškā bezgaleigō, nazynomō jyura.

II

BEZGALEIBA

*Skudra... cylvāks... kas lai
škir?*

MYUSMERÁ

Iz vītys klajōkys storp bārzu stoltim, stōvim
Aug myusmerá. Cik krōšná! Skaista!
Tei, līkās, kotra skotu saista
Ai sōrtu capuri, ai punktim dzidri blōvim
Cik sieņotōji staigōjuši garom,
Tī vysu salasāja čakly:
I rudmīsi, i bārzlapi, paļ cālmīnā jīm līkās darom,
Tik myusmerái tī garam īt kai okly.
“Kai tys var bȳt?” klīdz skaistō myusu beñdá.
“As skaista, krōšná, lela, sōrta,
A stōvu jau tik seņ tá
I nateiku nivīnys rūkys skorta!”
I otkon dīna skrīn pec dīnys.
Nu myklōs zámis sienš vys aug.
I sieņotōji nōk i raug —
Nu cytom sieņom otkon napalīk nivīnys.
Tik myusmerá, šei skaistökō par kotru sieni,
Nūmierst lieni.
Nūbōl sorkonums, i subryuk boltȳ punkti,
Lūgōs kōts, i sašlōpst sōrtō krōsa,
Sakreit zōlī osā,
Saād jū tī soltō rosa.
Beja skaistums krōšnš, spylgts i klīdzūšs,
Beja mozvierteibā vīntuleigums īdzūšs,
Nu vysa tō tik viņ i tyka —
Kai malna sapyvuma pyka.

O cik skaistuma, kas myusmerái ir leidzeigs!

A voi tys skaistums ir kas naviņ jiedzeigs?

ROGOVYS I ROTI

Pašelī stōv rogovys i roti,
Obim dīna dīka,
Nu gara laika apzamygloj prōti
Šīm naasūt — dzie — tai dzeivōt prīka.
“Kam man ir jōrypoj tik tod, kod tymsi skoti?
Kam navaru pa boltū snīgu sleidät?”
Soka roti.
“A mani kō pec laukā bīdät
Tik tod, kod snīga koponys?
Voi navaru as paglaust smolkū smiļkti?”
Tai gaužās rogovys.
Tū nūzaklausa saiminīks i nūreikoj,
Lai roti niu teik ūrā vylkti
I snīga celū drusku pabraukoj.
(Nūtyka tys zīmā borgā.)
Labi. Aizjiudz rotim zyrgu priškā
I koponā brauc lelā īškā.
Jau roti aizsteņ bolsā vōrgā:
“Ai, navaru! Ai, snīgs leidz koklam!
I skrytuli vairs nazagrīž! I snīgi leidza stumās!
Tam brauciejam ir jōbīn oklam.
Ka dagōjs jys pi dūmys.
Ai mani taidā celā braukt.”
Sōc roti žielesteibys saukt.

Kluš, nasoka nikō vairs roti,
Kod pašelī tī otkon nūvītōti.
A rogovys vys sovu dumpi plōj.
Vys kōrōt sausa celá napōrstōj.
Kod celi sausi, zámá siejai orta
I zólá saauga,
Soka saiminīks: "Niu rogovom ir kōrta.
Lai tōs braukt̄ parauga!"
Izvalk rogovys iz sausys zámis ūrā.
Ījiudz, palaiž zyrgu riksī.
Jau rogovys sauc bolsā vōrā:
"Kur itai tōli tiksi?
Berž slīci smilkt̄s, kūž akminš osō mola,
Šnierksṭ, čierksṭ i korst. Vairs izturāt nav spāku."
I brauciejam ir slikš bez gola,
Kai cīssonā par grāku.
Kod rogovys niu pašelī pi mīra tyka,
Nu vacō dumpa vairs i pādu napalyka.
Niu obim mīreigs prōts,
Varbŷt, dzie, — labi ir taipat̄, kai īkōrtōts?

Pa jaunam pōrkōrtōt var daudz kū spät̄.
A voi pa jaunam spiesi pat̄ tu izturāt?

AKMINŞ

Raiz jaunys mōjis pamatā bez akminš paprōvs lykts
Ai cytim sūplok kałkim savīnōts.

Cik rádzīs, mīreigs myužš!
A tys vys pyuš,
Vys namīreigs tam prōts,
Iz saiminīku tys vys pykts.
“Kas táv? — Tu kungs!
A kaids ir liktinš muns?
Tu mani pabōzi, lai as šū mōji turu.
Žāl nav nimoz táv munu placu,
Tu vád tik vydā tī sávkuru:
Voi gudru, nagudru, voi jaunu, vacu.
A tū tu nasaprūt, ka, jo as turäť stōju,
To sabrukš vyss i nabŷş vairs táv mōju.
A gūda maņ tu naparōd nikaida.
Kai lai as naturu iz tevá naida?”
Tod sevi dūmōdams tik pōrvareigu asom
Kas vysu mōji tik iz sovim placim nasom.
Tys vīnu dīn, ak myužš, ak bāda! —
Kod jaunō mōja drusku sāda,
Kai puļverš saškeida i drupa,
Tik viņ palyka nu tō, kai smiļķšu čupa.
Mōja tei kai stōväja, tai stōväs dykti,
Jo pošūs pamatūs tai daudzi akmini i stūpi lykti.
Akminš īdūmeigīs tō namanäja,
Ka tam viņ vōrds tys — akminš – beja.

Voi storp cylvākim nav dīsgon taidu.
Kas vīnmār ryuc i ūrc ai naidu:
“Maņ gūda moz! As lels! Oho — kas asu!
As vysu pasauli iz sovim placim nasu!”
A smogums pīmīdz i jys jau brakš,

I rádzīs — cik nu taida pulverš švaks.

PÁLIS ÁSTÁ

Vīnā sātā sunš ai kači sadzeivōja draugūs:

Sadereigi izlaizāja traukus,

Vīns kaulu grauzá, ūtrs nūlaizāja,

I obim labi beja.

Raiz īskrīn klietī sunš i verās — kas tá

Aiz duru, blokus orūdam? Nu tei tok pális ástá!

“Ak, tuids maņ kačš! Jys guļ tik saulī, däpi laiza,

A pális lein lai orūdā i maisā?

Tōm mīru ļaun, tōs vysu izäss teiru,

Par nabogu var pataisāt vystureigōkū veiru

I más̄ tod tá lai bodu cīšom?

Nā, gols ir jōdora tam vysam.”

Izskriejš pogolmā, jys nykni ásti kuļ

Verās: kačš mīreigs saulī guļ,

Syldōs, lieni ūsys kustynoj.

Sunš īsōk rīṭ i napōrstōj:

“Tu saulī snaud,

I sovys ūsys glaud,

A pazaver, kas klietī dorōs,

Tī pális borūs.

Tai dreiž más̄ pīdzeivōsim laikus gryutus.

Kod nagodnōs tōs sagrauzš mīsu maizis gryudus.”

“Maņ dūmōt,” soka kačš, “tá pális nav nivīnys.”

“To as táv maloju? Ak, myuža dīnys!

To redž, kaids tu maņ draugs!
Sunš, dūmoj, bādys nasaprūt? Par veļti tevi sauks?
Tu mani apvainoj, ni pamyrkšynōjš aci.”
Sunš sacēl taidu traci,
Ka, dūmōtim, nu ándžom pasaulš gōžās.
Nu vysom pušom zynōtkōrī brōžās,
Lai pazavārē — kas tys par kača grāku,
Par kurū sunš niu sacēl taidu brāku.
Sunš gari pastōsta, kas bej par lītu
I nūvad vysus värtīs nūzīguma vītu.
Durs klietái attaisa i soka: “Raugit poši! Nu?”
Ak, tovu breinumu! —
Aiz durovom guļ pōtoga, ai kōtu pīslītu pi kastis.
Tik viņ tōs pális ástis!

Pyrms pōrmatumim muti vár,
Labi apzavár!

PŌVS

Pōvs beja vīnam saiminīkam.
Jys patīseibā nadaräja paļ ni nīkam.
Jū turāja taipaļ tik ocu prīkam.
Cik dažkōrt sovu nīceibu ir apazynōt gryuti!
Pōvs staigōja ai sovu spūžū spolvu,
Ai kuplu puški izrūtōtu golvu
I pyutá. Aiz īdūmeibys.
A kod jys īrauga, ka strōdoj kas,

To smejās smīklā nagontā.
Raiz sazagoda pogolmā
I zyrgs, i gūvš, i vuška, cyuka vīnuvīt,
Vāļ kačš nu molys guļ i sunám godōs garom skrīt.
I grūzōs pōvs.
“Cik jiuš tá nateiri, ai svīdrim!
Viņs ūž ai māslīm, cyts smird, kai klāvs,
Nu treša nas ai okys gīdrim.
Jums nav ni skaistumu,
Ni krōšņuma.
Māš navarātu bīt par bīdrim.”
Tū saceidams, jys lapni ásti rīž
I aizagrīž.
“Ak, tovu tukšū golvu,
Kas ir nu tovu spolvu?
Speidums viņ i tukši stori!
Voi tu kū dori?
Voi tu kū vād? Voi nāš? Voi sorgoj sātu?
Voi pális giuņ, voi vylnu dūd, voi gali?
Tu slaistīs breivu vali.
Nav it nikō, kū tu patš darāt spātu,
A tu vāļ cytim smej.”
Tai sunš,
Nu dusmom aizasvilš kai gunš,
Jam viersā rej,
Ai zūbim giun aiz spūžōs ástis.
I — kas bīt padūmōjs, kaids izsmīklis var rastīs!
Nu lapnō pōva palīk tikai cōlā
Leidzeiba, pavysam tōla.
Pa vysu pogolmu

Sunš rozvolkōja pōva skaistumu.
Tá godōs saiminīkam garom īt,
Jys nūtykušū īrauga i pasōk smīt
“Nu pōva, redž, koids čāms tik palicş pōri!
Gon breivā laikā dakausim.
Pec galis jō paļ suni nabȳş kōri,
I bȳş nu spolvom rūta tukšīm pakaušim.”

SLOZDĀ

Pális smolkō nōss
Pogrobā ɻaiz sajiut speki ūžom.
Īt raudzät. Blaukt! Kreit slozds aiz jōs,
I ūrā natikt tī ni dyžonam, ni dūžam.
Kur nu vāl mozai pálai.
Jei slozdā säd i cerej,
Ka vāl koids breinums jū izglōbš.
“Slykti ir, pavysam slykti,” pálai dūmojās.
“A lobums lels ir, munuprōt —
Tān kačş maņ natikş klōt!”

Tai dzeiveiba sávkura meklejās,
Lai nu bādys
Izspīst drusku prīcys kaidys.

GULBS

Iz zámom saulainom ḥaiz laidäs boltȫş gulbš,

Jū spāki památá i gōzá vātra osa.

Gulbš nūkreit pogolmā pi pošys dūbis,

Kur gailš ai vystom māslus kosa,

Sáv gryudus meklejūt.

Gailš, golvu pīlīcš, verās — nasaprūt.

Īš tyvōk apvaicōt,

Kas tys par boltu, tōlu vīsu,

Kas nūkritš nūgurušu mīsu

I naspiej tōlōk palidōt.

Guł boltȫş gulbš, jys spōrnus žņaudz ai sōpi,

I vaidā izteic vysu dziļū slōpi

Pec tō, kō ilgojās jō prōts:

Pec saulis varonōs.

“Väl ḥaizi aizlidōt iz saulis pylnū zámi.

Kai grybātūs ai vysu, vysu spāku...

Ai saulá, paleidzi! Ai liktiņ, lámi!

Lai as väl ḥaizi lidōt spātu —

Spātu breivūs spōrnus atvāz̄t breivā skrájī.

Breivu gaisu, sauli spūžu just,

Atstōt vysu nateirū tá lájī,

Augšōk, tyvōk saulái, napīkusť.”

Gailš klausōs. Breinums jam —

Kas tei par volūdu šam svešijam?

Sauli? Tōli? Spōrnūs boltūs?

Skrīt nu zámis prūjom gaisūs soltūs,

Kur nu baiļom elpa spīžās?

Augši lidōt golva grīžās.

“Kungs, a kungs!” jys svešam tai,
“Kō tu tī pa augšu meklej,
Tī, kur elpa aiztryukst reiklái?
Maņ tō nasaprasť nikai.

Vysa gon tāpaļ iz lájis:
Gryudi, zviergzdi, iudinš lejās,
Slika zámī trakna, rupa:
Vej — tāpaļ i māslu čupa.
Kō ta skrīt iz tōlū golu,
Meklāt nazyn kaidu molu,
Bendāt spākus sovai mīsai?
Nasaprūtu as patīsai.
As paļ laistīs aizmiersš asu.
Padzīžu tik sovu basu,
Nabādojūt ni par kū:
Kukikarekū!”
Verās gailš — jau svešam spāki ierst,
Jys mierst.
Gulbš elpai pādejai vāļ kryuti ver,
Bezgaleibu plašū pādeigijū ḣaizi dzer...

Kas zámis dubļūs īzaracş da koklam,
Pret lītom augstōkom tam jōpalīk ir oklam.

MEDEIBYS

Bej medeibys.
Dzan lopsu sunš.

A lopsu kōjis nas,
Kai saceitim, pi ástis gunş.
Sunş ar taipaṭ. Bej skriejieji jī obi
Lobi.

Pec kaida laika obi mona,
Ka spāki seikst.

Tá lopsai pieški gudra dūma deigst,
Lopsai, kai jau lopsai, vilteibys ir gona.
Jei apzastōj i suni gaida,

I tod jam soka:
“Draugs, kam pyuleišonōs taida?
Kam skrišona tik troka?

Lobōk más bez naida

Nūrunōsim tai:

Tu teç pa prišku
Pa meža īšku,
Pavysam vīglinķai.

A as nu mugorys.

Jo redż, kod itai pōrzamej
Tod priškdejīs daudż liņōk skrej
I obim nav vairs nūgurys.
Voi nabȳş lobōk, kod más itai nūlemom?”

I sunş kai sunş, jam loba doba,
Pi sevá nūdūmoj: “Tei dūma loba.”

I pikreit saceitam.

Niu obi pōrzamej
I tōlōk skrīn, a lopsa bōrzdā smej
I prīcojās par iztaiseitū dułki
“Tu nasasteidz! Skrīn klusi!”
Jei nūklīdz väl pyrms pamat suni mułki,

I aizcylpoj iz cytu pusi.

Pec taidom medeibom, rōdīs maņ —
Daudž lobōk ir, kod gudrīs glupū dzan.
I ari cytaiz izsprīst var.
Kam meiksta doba,
Tys sacās: “Taida medeiba bez loba,
A ţaizjom ari izbāgt dar.”

APMĪRYNĀTĀ MIERKAČI

Div mierkači iz zora sprūstā tup.
Jīm apkōrt staigoj laudš i breinojās.
Vīns soka: “Mierkačs nav nimoz tik glups,
Kai runojās.”
Cysts soka: “Cylvāks nu mierkača ir izaciels.”
Cysts otkon navar valdātīs, jam naīdziels:
“Šai dūmai pamats vysai jiedzeigs
Cysts cylvāks mierkačam tik leidzeigs:
Saklausa pa ausu golam kū navin
I, gvalzdamts tū, tod tōlōk skrīn.”
A mierkačim iz zora cyta runa riļ.
Tī prīcojās, ka jīm tik labi īt:
“Ir labi zvieru dōrzā apzamāst,
Tá naaizmierst nivīns táv atnāst äst.
Tá dzeivinīki smīkleigi mums garom īt
I vysaiž ūvejās. Jau taišni apnykst smīt!
A lai tīm glupijīm

Launs kas naiītu prōtā,
Máš siežom telpā, ierti īreikötā,
Ai dzelžu restom atsadaliejušs nu jīm.”

Tai cyts i napamona,
Cik vīgli sevi mīrynōt,
Ai drusku mōná
Var kotrs laimi īmontōt.

ĀŽA VIŁTEIBA

Vīns saiminīks deļ smīkla turä ōzi.
Nu ōža, soka ļaudš, ni vylnys nav, ni pīna,
Jys sātā tai kai kirmiļš pōzī —
Tik bōveišonōs vīna.
A ōžam vysod streida doba,
Jys ļaunu naatškir nu loba,
Vys naida meklejās, vys leinās badätīs,
Iz dūršonu jam rogi tai i nīz.
Ikkotra sātys kustūná nu celá grižās,
Kod ōzs pret tū ai rogim rīžās.
Tik vīns nu celá nanūit nikod,
Ai ōzi ceiņu pasōkdamls lobprōt.
Tys viersş ir — styprinīks.
Jam ōža nyknumis teirīs nīks,
Nu belzīná jō seikīs ōzs
Aizrypuļ-rypuļoj kai tōss.
I dīnom vasalom tod navar atlīkt rybys.

A nyknums koids i atrībeibys gribīs!
Niu saprūt ūzš: "Pret itū vajag leikt,
Ai spāku taidu zvieri napīveikt."
Nūdūmoj jys: "Tá dorbs ir gudreibai."
Tod izgudrōjš, jys soka vieršam tai:
"I kas nu tō, ka tu tik lels i spieceigs,
Ka paļ iz pusi naasi tik veiceigs
Kai as."
Nu taidys volūdys teik nykns viersš,
Jys klīdz: "As vysu varu, kū i tu."
"A ka māš saleigtu?"
Ūzš zūbojās, lai vairōk sakūrēt vierša prōtu,
A patš, kai izgudrōjš,
Iz škiunā jumta lāc, lai viersš jam it kai nateik klōtu.
A viersš, daudž nadūmōjš,
I hop! — iz jumta viersā,
Cik smogs jys — tys jam aizamiersa.
Jumts škiunā beja iztureibys vōjis.
Tys sazagōž, i viersš sáv aplauž kōjis.
Taipaļ i ūzš zam drupom kryta kūpā
I elpu pādejū kod laidā väl zam smogō vierša lūpa,
Jam dūmōjās:
"Nav slykti gudrijam,
Tik jōbīn gūdeigam."

Div pamōceibys ir nu stōsteišonys šōs:
Pa pyrmam: nikas tāv naizīš,
Kod vīns patš spāks tik tolkā īš.
Pa ūtram: nikaida lobuma nu prōta,
Kod tova gudreiba tik ļaunim dorbit krōta.

KAČA LOBSIRDEIBA

Nu pereklá ḥaiz izkreit putnenš mozs

I čeipst̄ aiz bādys:

Zōlōjs oss

I ierteibys nikaidys.

Pōrs sūlus atstotōk iz slītō slyta

Guļ kačs i däpi laiza,

Jys pamona, ka putnenš kryta,

I navar valđätis: jū kōrá tai i graiza,

Tai gribīs apreit̄ mozū putnu.

A sunš tīpaṭ. Rádz kača lelū kōri

I soka: “Kū t’ nu

Izalič! Voi var tu putnam nanūdarät̄ pōri?

Skrīn̄ dreižōk nūkūd!

Nūbendáj jū mūkūt.”

A kačam kōpṭ nu slyta baiļ

Ka sunš jū nanūrej.

Ot jys i soka tai:

“Maņ patīseibā tik ir medāt̄ prīks,

A itaidu jau kotrs nūgiuṭ var.

I āadamō tī irā nīks.

As taidu naādu.”

Par runu sovaidū

Sunám nu breinuma paṭ mälá izakar.

Kod koids ai lobu dorbu atsaškir nu bora,

Dar labi apzavärt, par kū jys itai dora.

LŌCŞ

Lōču pōrš bej,

Jys i jei.

Beja pi jūs bierneni,

Lōčanāki mozeni.

Lōča mōtā nagul mīga, napaād ai sōtu,

Grūza prōtu,

Raugā izdūmōt.

Kai bȳš bārnus audzynōt.

Tai na ̄aizi mōtis prōtoj

Kaidai bārnim gudreibai bȳt krōtai,

Cikom aizmierst pošu svareigū:

Izaudzynōt cylvāku.

I kod īzadūmoj gari.

Stōstäs beidzūt lōčam ari:

“Zyni, veireņ,

Par tū väl más ni runōjam, ni škeirom.

Kai mȳsu bārnus audzynōt.

Niu bȳtu laiks. Tai, munuprōt –

Lōcş ir cik naveikls tik smogs,

Styprs, a nagleits, bīzu ōdu.

Gribīs mañ, lai bārnim munim liktinş cytaidōks.

ℳaitai munai paraugu as taidu rōdu:

Lai ir jei vīgla, gracioza,
Tai kai styrnu koza,
Lūkona kai kačš,
A kōjōs dreiza tai kai začš
Puika otkon lai ir veiriškeigs i brašs,
Kod sazadusmoj, lai kai brīdš ai kōji kaš.
Ōdu maigi samtainu lai ir kai telš.
Lai skrīn kai kurts, kod jam zam kōjom tōlōks celš.
Maņ rōdīs, veireņ ka jīm taidim izaugt likš,
Tod bȳš i pošim mums, i bārnim prīks.”
Lōcš pakālkōjōs slīnās spieji:
“Tu tá sáv drusku izmežgieji.”
Jys pasoka, ai däpi rōdeidams iz pauri.
“Taids ir muns i taids ir dobys prōts:
Nu lōčanākim izaugš tikai lōcš,
I cauri.”

DUNDURS SKUDRU PYUZNĪ

Ķaiz skudru pyuznī dundurs īkryta.
Jys beja īvainōts i tōlōk natyka.
Kas tys par trikmīni bej seikūs skudru valstī.
Jōs vysys klōt,
Sōc miļzi apbreinōt,
Sōc taustät, valstät.
Tá vīna gudrineica pieški zyna teikt:
“Šys gadiejums
Ir teira laimā mums,

Mums navajdzäs vairs bodā teip̄,
Redż — voguls miłzeigīs, kas nūkrit̄ itā,
Ir poša čaklō bitá.
Ir dzierdāts bīži jau paṭ mȳsu molā,
Ka bitis strōdeigys bez gola.
Nu agra reita tōs leidz vālam rītam skrīn,
Kotrā zīdā tōs pec mada līn
I stīp bez romonom da sātai.
Tai laimái vajag bȳt mums nacerātai,
Ka jei tá gadäjās.
Más kūpsim jū, leidz vasala jei kliv̄,
I tod nu jōs
Mums vīnmār daudzi mada bȳs.”
Vyss skudru pyuznis niu iz kōjom,
Kas lobōks atsarūn, tū stīp iz mōjom
I vysu dunduram,
Tam — slymijam!
Jys ād tik, borojās, da rūzōs,
Par tū, ka nūtic̄ mōnš, jys napapyuš paṭ ūsōs.
Čaklōs skudrys tekalej i skraida,
I mada gaida.
I dundurs, bitá, rádzīs, vasals jau,
Jau apied̄ vysu skudru bogoteibu,
A jys i nadūmoj par pateiceibu.
Tai mada nav, kai nav.
Tá vīn̄aiz cyta bitá kaimiņūs nu zīda dzer,
Tū skudrys aicynoj i cer,
Ka tei niu pastōstās, kas tei par bādu,
Kam izōrstātō bitá nanas madu.
Tei dora tū ai lobu prōtu,

Nōk skudru pyuznī, izmat skudru bitái skotu
I smīklā smaida:
“Nu itō vogula jiuš veļti mada gaidot.
Jys, mīlōs, bītā nav. Ir tikai dundurs itá.”

Nu itō pamōceiba taida:
Na kotrs lelōks voguls ir jau bitá.

LAPSINÁ I BITÁ

Raiz lapsiná ai biti sazateik,
Lapsinái niu breinums teik:
“Cik más obys leidzeigys!
Kas esi tu? Kū dori? Dzeivoj kur?
Kō pec gaitys táv tik steidzeigys?”
Bitá eisu runu tur:
“As asu bitá, pulkā dzeivoju
Kai vysys bitis lidoju.
Ka mani aiztīk kas, as napagrīžu ceļu
As pretinīkam dzeļu.”
Prīks lapsinái: “As taida paṭ,
Maņ pateik pulkā padzeivōt.
I kas tik pazagoda maņ pa ceļu,
As kotram dzeļu.
Kuids prīks, ka bitái leidzeiga as asu!”
“I tod väļ,” bītā runu beidz,
“As vysu dīnu cylvākim i biṭom madu nasu.”
I itū saciejusá, prūjom dorbā steidz,

“Ak, tys ir nīks,”
Sauc lapsiná, “ka madu ar tu nás!
Cik tur tōs starpeibys! Kaisds priks.
Ka bitái leidzeiga tik lūti asmu as!”

Natiklis sávkurs vys gryb lobprōt
Ai kotru čaklū sevi leidzynōt.

KAČA PRŪTĀŠONA

Sunš pi golda luncynojās, ásti kuļ —
Iz golda taidys gordys lītys guļ!
A kačš jau pīiedš sovu tīsu,
Iz saimineicys celim atstipš mīsu.
Snauž klusi dziernavenis maläs.
Par suná bodu jam nikaidys dalis.
Cylvāki par sunim runu runoj:
“Nav kustūná par suni lobōka!
Jys tik par saiminika lobu dūmoj!
Suná sirdš par vysom pōrōka!”
Kačš vysu dzierd,
Kas laudim volūdā,
Jō zaļos acīs izsmīkls mirdz.
Jys nūnūrd ūsōs: “Cik laudim naivuma!
Paļ tō jīm naatskierē —
Kur vādars beidzās i kur sōcās sirds!”

Tū patīsi nav vīgli spāt —

Nu vādara sáv sirdi atdalät.

ŽIRAFÁ I KROKODILS

Žirafá ţaiz krokodilam vaicoj:

“Par kū tu vīnmār dyunī sleiksti?

Par kū tu vīnmār rōpus neiksti?

Verīs žirafá kai staigoj,

Lapni izsliejesá koklu gaisūs!”

Krokodils tik smejās,

Verūtīs iz žirafi nu lájis:

“As slītīs gaisūs nazataisūs,

A ka krokodily gaisā slītūs,

Verīs — žirafái tod rōpōt dazaītūs!”

I jys taidu skotu mátā vaicōtōjam viersā,

Ka tam vysa vaicōšona aizamiersa.

I jys pōrleicş dává kōjom vali,

Lai prūjom aizbāgtu ai sovu lapnū... gali.

Pyrms cytu izsmīt muti plät,

Raug pošu sevi labi nūviertät.

LAUVA I SLĪKYS

Raiz paiedş lauva saulī syldōs.

Iz ūsom saplūseitōs styrnys ašnis žyust.

Ai maigom jiutom sirdş jam pyldōs:

Kod esi paiedš, tod tik labi dzeivōt kliust.
Tápaļ pi ūsom, lauvys pakrieslī
Div slikys laiski gul,
I filosofej (patīseibā tukšu gaisu kuļ).
“Cik labi býtu dzeivōt zámī, gaisā, jyurā,
Jo vysi sadereigi býtu,
Cysts cyta naplūseitu ceinī syurā.
Nikaidu ryupú
Tod nabýtu. Tik prīcojīs iz nabādu!”
Tai pōrsprīž slīkys.
Lauva nūsmeign ūsōs: “As kod paādu,
Maņ ar tai līkās.”

I lauva být var mīls i lōga.
Tik tod, kod pylna mōga.

VŌRNA

Raiz vōrna sylnā meklej bareibu
I kai jau vōrna — aizjymta ai sovu darbeibu,
Ap sevi nazaver.
Tá čyuska pīlein klōt i jū aiz spōrna čer,
I gryb jau vōrnu reiṭ.
Tá ūmai ierglám godōs īraudzät.
Kas lájī nūtikę taisōs.
Jys mudri spōrnus raisa,
I naleidz vairs, ka čyuska lyudz i prosōs.
Jū paceļ gaisā

I aiznas kolnūs apāst̄ mozīm ierglānim.
Vōrna pakal nūzaver ai nīvu acīs
I nūčārc vōrdim lānim
(Gaid, ka jei tāv pateiceibu sacās!)
“I čyuska taida, i putyns tys taids patš.
Jīm obim namīreigs ir prōts.
Redż — dauzōs tik pa pasauli kai aušys.”
I atmatusá tik ai spōrnu,
Jei otkon sylnā raušās.

I cylvāks, sacāsim, kai ir,
Na reši lobōks nav par vōrnu:
Nu drauga īnaidnīku naatškir.

BEZGALEIBA

Skudru mōtā mozūs skudralānus sauc iz sātu,
Laiks, lai skudru pyužná vōrtus slāgtu.
“Gon jau, bārni, šudiņ bōvātīs!
Lelȳm gon jau strōdōts irā,
Naktš sorgi ai vōli rūkā sardzī stōvāt̄ īš.
Dorba skudrys dusās drūsā mīrā.”
Zōlī atmirdz jōntōrpeņu zvaigznis ratys,
A aiz kūkim atspeid̄ lelȳš skudru mieness —
Gunš, kas speid̄ nu meža sorga sātys
Snaudā īgrymst zōlā, smylgys, siens.
Tik skudru dzejnīks mīra navar rast̄.
Izkōpš lelys smylgys pošā skorā,

Dūmoj, sapņoj... nasaprasṭ
Jam, kai var bezgaleibu aptvárṭ skudrys gorā.
Väräs bārzā — golva reiba,
Tei jau bolta bezgaleiba!
Sorga mōjis lūgā — mieness̄ krāslā lāc.
Kas tū bezgaleigi spūžu ik vokoru dadz?

Skudra... cylvāks... kas lai škir
Kuram eistō bezgaleiba ir?

III

PAMOZ VIESTURIS

*Kū nu pagōjušīm laikim
eisti zynoč var?*

VIESTURISKS DIALOGS

Princş Kondē, ḣaiz aizsvilş dusmōs borgōs,

Saplieš mežginis iz tārpa dōrgōs

I lomoj kardinalu de Surdī:

“Nudi,

Jums pavīgla ir golva!”

Vīgls izsmīklis tik smaidā - kardinala bolva

Tīsotōjam borgijam.

Jys eisi atsoka tik jam

“Ai jums as nameitu. Jums golva –

Smoga olva!”

I da – tei golva! Kaida kam!

BENDĀ

Ŗaiz vīna borga valdinīka laikūs

Beja barons vōrdā de Travai.

Jys nazynōja māra sovai manteibai.

I slavynōja laikus baigūs,

Kas īzadzeivōt ḥová jam i karā,

I draugus bendejūt.

Jys pi karalá beji lelā varā

I tō pec daräja,

Kū varäja.

A sirdsapziná jam bej taidu, kas klusät prūt,

Ļaudş vysōs kaimiņzámōs, kur jys karā bejs,

Jō vōrdū, bārnus baidūt, atkōrtōja,
Jo pasaulş naredziejş
Leidz tam tik soltu sirdi karōtōja.
I sovā valstī jys nu cytīm atsaškeira,
Tik pōrōk vīgli sovu draudzeibu jys svärā.
Jo patyka jam drauga muiža, glezna, bogoteiba kaida,
Tod jys bez naida.
Nalaimeigū atklōti voi slapyn nūbendäja.
Deļ tō jam lelys drūsmis navajdzäja,
Jo jys, vot, pošam karalám draugs beja!
Patş karalş ar, kai saceits, beja gorā borgs.
Tik mīsā vōrgs,
I tō pec jys, lai cylvāki jū klausät steidzās,
Vīnmār beñdi jämá leidza
Lels augumā i maskā slāptu seju,
Kai māma āna beñdá bej vysod aiz vałdnīka.
Łaudş bailōs sastynga,
Kod obus kūpā īraudzäja.
I kotru vokoru, kod pilī beja
Asambleja,
Kū vysod beidzá
Ai tū, ka karalş gōja pījimt galma sveicīņus,
Ai vałdinīku vīnmār leidza
Kai nōvá gōja bendá kluss.
Raiz bendá saslyma i naspäja vairs paīt,
Īgns karalş: “Kū lai dora?
Iz asambleju navar naīt!
Varbŷt nu galminīku bora
Deļ šō vokora
Kaids varäs beñdi aizvītōt?”

I tik kū padūmō jys tai,
Jau zyn, ka beñdis vītā stōt
Var tikai barons de Travai.
“Da, patīsai —
I augums pīmārōts.”
Līk karalš pasaukt baronu,
“Tys nōk i celi līc pret valdinīku varonū:
“Kolps majestati pazemeigi sveic!”
“Táv, draugs, bȳs napateikams uzdavums.
Iz asambleju jōīt mums,
A nav, kas beñdis lūmu veic.
Tu īleiñ beñdis malnā sveitā.
A sejai izliç masku.
Barons nalaimeigs. Gryb sacāt nazkū,
A karalš apraun eisi: “Pasaceisi reitā.”
Barons tik aiz bādys vōrgs,
Ka paļ i namanäja.
Ka jam jau apvylkts malnys svōrks
I maskā sagta seja.
I jys jau gaitā lānā.
Īt aiz karalā kai āna. Jys,
Barons de Travai!
Nu ciltš varonōs!
Jam beñdis lūma!
Durs zālī atsaver, tur čaloj sarunōs
Galminīki lobā ūmā.
“Nōk karals! Vyss apklust, kluss,
Kotrs pavierš pazemeigus skatīnus
Iz karali i māmū sekōtōju.
Nā! Barons naiztur vairs kauna!

Izaklīdzš ai bolsu vōju,
Jys nūkreit zámī drudzī ļaunā.
I mierst.
Niu karalš nalaimeigs.
Pi nūkrytušō barona jys leikst.
Vysu väl par lobu värsṭ
Jū pōrjem olka.
Karalš, nūceļ masku baronam nu sejis.
Aiz pōrsteiguma galminīkim elpā aizaraun
Par zāli pōrīt šolka:
“Nōvái sovaida ir šudiņ plōvá.
Beñdái - beñdis nōvá!”

Voi nav patīsai ačgörneiba eista,
Kod sirdsapzinis vītā lapnumis atsateista.

NARS

Beja cars.
Tam deļ prīka, smīklam turāts beja nars.
Vördūs dzieleigs, prōta osa.
Pasacäs — cyts smej,
A cyts tik golvu kosu —
Kauns acīs värtīs pasaulám!
Raiz caram atbōst vyss: pasaulš, ļaudš,
I tī, kū zamynōjš, i tī, kū glaudš.
“Jo ir väl kas iz pasaulá,
To tikai — as!

As — cars!”

A smejās nars.

“Táv tik tai izalīk.

Bez krūná,

Nūkōpūt nu trūná,

Nikas nu tevá napalīk

Ai krūni trūnī paṭ i as pec cara izavārtu,

A voi tu ai sovu vōjū prōtu bȳt par naru spātu?”

Cars dusmeigs klīdz: “Par taidim vōrdim kar!”

“Da. I munuprōt —

Tu mani pakōrṭ vari!

A patīseibu nūbendāt, redz — tū nikod!”

Tuids pīdzimš nav, kam bȳtu spāṭ

Patīseibu nūbendāt.

MARKĪZÁ DE PLAFON

Tys kaidā zámī beja

Tam atpakaļ jau daudzus godus,

Kod valsti pōrvaldāja,

Sáv jemūt paleigā it vysus sovus rodus,

Ľudviks nazkurīs.

Pi golma dzeivōja markīzá de Plafon.

Jai geimeitš beja skaists

I cytu skaistumu i radzamu, i naradzamu gon.

Raiz pieški sazadūmoj jai

Velṭāt myužu viesturái

“Nu breiža tō jai tik vīna līta ryup:
“Par mīlōkū pi karalá maņ vajag kliut!
As tod jū grūzeišu vysaidi.
Par vaļsti nūteikšu.
I panōkumi bȳš maņ taidi,
Ka viesturī as īšu.
Par mani garus myužus breinōsīs i runōs.”
Niu jai taida uzjiemeiba rūnās,
Ka pi dorba tivlen̄ stōjās klōtu.
Motus izčūrkš, sōrtoj byudus,
Apvalk krinolinu plotu.
Sakar dōrgakmiņus gryutus,
Vīgli kustīs, smaida, smej.
Łaudim breinums: “Paskoč, vej!
Kas tai markizái niu läcās,
Jei jau speid̄ kai svātku svācis!”
Golmā viņ niu markīzā
Tyvōk vys pi karalá.
Runu meklej, smogi pyuš:
“Majestatā, maņ cik gryuš...”
Karalş nasaprūt nikō nu dzejis,
Jys tik smejās,
“Līta nav tik troka.
Pōriš!” soka.
Rādz markīzā, ka karalş nasaprūt jōs dūmu.
“Pīskryuväsim lūmu,”
Jei nūdūmoj.
I väl tyvōk valdinīkam stōj
Smaida, rōdu zūbus, izbūž mālis golu,
Rūkom plōjās,

Vīgli paceļ krinolina molu,
Rōdūt sovys skaistōs kōjis.
I tik čyukst: "Ak, majestatá. Sir..."
"Nu? Kas ir?"
Pīsardzeiba vysa spelī aizamiersa.
"Sir, mañ sirdī izdeigusá taida jiuta..."
Niu karalš saprūt gon.
"Labi," soka jys, "kas izdeiga, tū nūplausim nu viersa!
Tei līta nav tik gryuta"
I pret vysu galminīku skotu
Līk paceļ krinolinu plotū
I īpārt līk markīzi de Plafon.

Tai dūma pīzapiłdäja, kas sirdái beja tyva —
Caur karaliskom rūkom
Kai pa jukom
Markīzā viesturiska kliva.

Patīsai nazagryb i ticāt lōga
Ka viesturi tikt — līta smoga.

PIRAMIDA

Nīlys krosts. Vysapleik dyukšnōjs dzilš,
Kas ražu zámái dūd i ari slyktu smoku.
Natōli nu krosta valdinīka pilš,
Iz terasis säd faraons, tam sīva bloku
Jī pōrrunoj par šū, par tū

I namonūt sōc minäť stuňdi pādejū.
“Cik gryuts bŷš breidis tys,
Kod jōnūmierst,” tai jys.
“I napalikš ni pīminis vairs pasaulám!”
Jei otkon jam.
Kotrs jiut, ka
Nōvis stuňdá ryugta.
A faraonam — valdinikam lelam —
Aizmiersteiba vysā rōdīs na pa celám.
Sōc obi grūzät prōtu,
Kū taidu izdarät,
Lai nōvi pōrvarät,
Kod tei jau pīš klōtu.
“Lai,” soka faraons, “lai mīsa mierst!
A lai pa vysu ļaužu cilti.
Vōrds naaizbierst
Ai aizmiersteibys smiľkti.”
I beidzūt izlem jī: pret pošu Nīlys krostu
Cālš byuvi naparostu
Cālš lelu piramidu —
Lājī plotu, augstīnī ai dzydu
Taida byuvá nasadrupš nikod
I tai tod bŷš jūs vōrdus myužam slavynōt.
Kai sarunoj, tai darät mieginoj.
Teik ļaužu pulki kūpā dzeiti
Vysai sovai nagrybai par speiti.
Ap Nīlu zāmi leidzynoj.
Vad akmiņus i smiľkti
I inženeri planus taisa.
Kur pamati bŷš grandiozi vylkti,

Kai sīnys cālt, lai nabȳtu ni plaisa
I myužūs izstōvātu lelō piramida.
Sōc akminš blučus kalṭ i täst,
Mat māru, tieš i kraun, i kūpā līdej.
Lai byuvi lájī plotu, augšā šauru värsṭ.
Tai paīt gari, gari godi
Pi dorba gryuta, raita.
Ap faraonu apmyruši vysi rodi,
I patš jys dīnys pādejōs jau skaita.
Beidzūt byuvá gotova pavysam.
I faraons jau guļ iz nōvis cysom.
Sirdš gurstūt pād'jōs ḥaizis pukst,
A jys väl čyukst:
“Niu breidi pādejū as jiutu
I nōvá nav maṇ gryuta,
Muns vōrds niu dzeivōš godu tyukstūšōs.”
I saciejs vōrdus šūs,
Jys atstōj bādu likni
A pyuleišonōs jō bej vysā velta.
Jo cylvāki seṇ nazyna ni tik ni
Kas piramidu cielš, nazyna paṭ kura pyrmō calta

I tai na vīna slavá —
Nūzibšņoj i vairs tōs navā.

ZVAIGŽŅU TULKS

Väl tik vakar Sokrats nūmirš beja,

Izdzierš kausā nōvis zōlis,
I vysa Grīkejī nu tivlīnis i tōlīná
Jū pīminäja.
Jau suplōk myrušijam
Dzīrōja kaids draugu pulks.
Tī rakstnīks beja, kaids filozofs, kas lelu gūdu sajem,
Tālnīks vīns i zvaigžņu tulks,
I cytu bors.
I kod jau veinā labi beja īsilš gors,
Dzīru saiminīks ceļ veina kausu:
“Lai, draugi, izdzerom!”
Cysts pībolsoj: “Tam lobprōt klausu!
Lai nacerom,
Ka indi dzerūt, māš par strōpi voi par bolvu
Sáv laurus apveisim ap golvu.
Pa munam: cylvākam vyss slavis pleivs —
Ka tikai dzeivs!”
I apkōr̄t rūžu smōrds.
Veins soldons, gords.
Vyss laistōs, vizmoj, smejās,
Aiz vīglīm aizkorim blōv kailu vergu dejis
Tik zvaigžņu tulks, kam ac̄ šōs rūsmis pīkususá,
Nūsoka pi sevā klusi:
“Ir kotrai dzeivái sōkums, kotrai gols,
Jiuš vysi aizīsit kai pavasara pols.
Jiuš, kas dzeivis namiersteibys cerit,
Kotrā dzeivis olkā,
Kotrā reibynūšō veina moltkā.
Eistū nōvis indi dzerit.
I tikai ratam ļauts: kaut indi dzár̄t —

Myužam nanūmierť.”
Kai muskats izsmaržōja vōrdi šī,
A tūs nadzierdäja draugi reibušī.

Tikai ratam lamts: kaut indi dzárt —
Myužam nanūmierť.

DAIDALA LABIRINTI

Daidals Minosam iz Kretys solys
(Reši pīminá vairs snādz leidz dīnom tōm.)
Labirintu sabyuvāju ejom cylpōtom:
Kas īskā teik, tys moldōs tī bez gola
I saulis gaismys myužam narādž vairs.
Kienenš Minoss gudrū Daidalu pi sevā gūstā tur,
Lai gudrīs prūjom natyktu nikur
Prōts skaidrs
Na tymūs laikūs viņ,
Tys rats taipaļ väl i šū dīn.
Zam zámis eju slavá tōla beja.
Kotrs pīminäja tū ai baigu treiseišonu.
I ari kotrs klusi īceräja:
Ka jam tī jōit bȳš, jys ūrā tikš ai mōnu.
Tai galminīks vīns kienenám bej, viļteigōks na lopsa,
Pi kienená jys montu pōrvalđäja,
I lykōs, vysu daräja, kū valđnīks prosa,
I vīnmār taisneigs asom zvieräjäs pi gūda,
A tikom brīda poša kulda.

I ūmai dazyn kienenš tū!
Jū borgi pasauc sovys tīsys priškā
I izlīk strōpi brīsmeigū:
“Táv jōit labirintā īškā!
Ka prassi otkon ūrā tikt,
As kieneņvōrdū dūdu — tevi vairōk naaiztikt.
Vylta osorys raud̄ nūzīdzeigīs veirs,
A paslapyn jam lels ir priks,
Ka liktinš jam tik vīglu strōpi škiers.
Jys bolsā raud̄: “Ak, žāloj, valdinik!”
Pi sevā nūdūmoj: “Tys patīseibā nīks.”
Kai ūrā tikt, jys seņ bez izdūmōjs pi sevs,
Na veļti Dīvs jam vīlteibu ir devš
Jū sorgi nūvad tī, kur sōcās tymsōs ejis.
Vacīs tikai nirdz i smejās:
“Gon as ūrā tikšu!”
Sorgs pamōca: “Āj taišni niu iz prišku,
Pec tam māš durovys šōs aiztaisäsim cīt,
I kod tu býsi apnicē tī pa īšku īt,
Tod āj tik atpakaļ, pi durom pīklauvāj,
I izlaissim māš tevi otkon gaišā pasaulī.”
Niu krōpnīks taišni īt kai, saceitim, pa skolu,
Paļ skotu napamat iz molu.
Tū dora jys ai gudreibu,
Lai taišni být pret durovom ai mugoru.
Sorgs rádz, ka tymsā nūstrōpātīs gaisa,
Ai lelu trūksni durys taisa
I saulī atsasāst, lai gaidāt klauviejīnu,
Lai sagaidāt nu tymsys atpakaļ kaut vīnu
Nu symtim tūs, kas īškā gōja

I nazagrīzā vairs. “Par itū ari cereiba ir vōja,”
Ai nūpytu sorgs nūdūmōja.
A viļtinīks, leidz dzierd, ka durs ir cīt,
Stōj īt.
Grīž atpakaļ i, turūtīs pi sīnys,
Atpakaļ iz durovom iz pierstu golym leinās,
Tivleiț bȳš durovys. Tī nūzastōšu klusi,
Pastōveišu stuņdis pusī
I klauveišu, lai mani ūrā laiž.
Nā, taišni smīklys: kas taidai strōpái kaiš!
As otkon vareišu pa vacam zagt,
Veļti Daidalam bej garōs ejis rakt!”
Jys klusi lein.
I smein.
I čyukst: “Tivleiț, tivleiț,
Durs vareišu as sataustat,”
Jys īt i īt,
Jau pōrstōj smīt...
Jau baiļu svīdri rosojās iz vaiga.
Apkōrt tymsa malna, tymsa baiga.
“Kū tá zam zámis sabyuviejs tys būrs?”
Jys skrīn i klīdz, i eļš.
A priškā nabeidzamīs, baigīs celš...
“Glōbit! Kur ir durs?”
Ka ari taidi gudrinīki bȳš, tū Daidals parádzäja
I tō pec ejis izbyuväja.
Lai tōs iz sōnim nūzagrīž pi pošom durovom
Pa labi i pa kreisi,
I tō pec tikt iz tōm
Nivīnam, īškā tykušam, nav izadevēs väl a ni ရaizi.

Kū vysu navar mōcātīs nu nūtykuma šō:
Voi bejušō,
Voi izgōdōtō viņ,
Vīnolga, jo taipač nivīns tō vairōk napīmiņ.

PAMOZ VIESTURIS

Raiz divi draugi streidu sōc ai runom
Par tū, kas viesturá, voi pagōtni var pietät.
“Pa munam,”
Soka vīns, “tá muļki triumfu var svietät.
Kū nu pagōjušim laikim eisti zynōt var?
Ot, cyta lītā — vakar, aizvakar!”
“Tai nabȳš gon,” tam preteim ūtrīs stōjās,
“Izzynōt var vysu:
Kai mašinš īt, kai veseleibai klōjās?
Izpietät var ūgli, vogulu i cysu.
I viesturi taipoš.”
“Tam napīkreitu as.”
“Viesturi? Nu, drusku gryutōk mož.”
“Kas, vylks, nu viesturis?
Tu apsvár patš.
Kō narádz acš,
Tam cylvāks vīris nagryb dūt.
Redż: šaubātīs jau sōc — voi Kristus vyspōr bejš,
Voi Šekspirs bejš, voi dorbus sovus patš ir sarakstiejs.
Tai grybūt nagrybūt

Pi naticieibys mums ir jōpīrūd.
I tys par lelim veirim viņ — voi bejuši, voi navā,
A kur väl atsevišķu ļaužu slavá?
Vīns soka — bolts, cyts — malns!
Cyts sprīž — tū vadiejs Dīvs, cyts soka — jaucīs valns!
Ir taidu daudz, kas dzeivōjuši slavis kōri,
Nu tīm koč vōrds ir palicš pōri,
A mozīs cylvāks izbirš laiku viejī,
I dzeivis laikā jō nivīns paļ namanāja.
I cik nav taidys lītys palykušys.
Kas sovu radeitōji seņ jau aizmiersušys!
Deļ mums
Tōs palikš myužeigs nūslāpums.
Nā, soku as.
Nu viesturis kai zynōtnis
Ir pamoz viesturis!
Tōs reši kūpā sazaītās.”

Tai rokstu ari as.
Varbūt ka fabulōs ir cytys lītys,
A — pamoz viesturis.

IV

PĀRSOKYS

*Pārsokā jukst eistynīs
i škitums.*

VYLKSILOPSA

(Pec tautys pōrsokys)

Vylks ai lopsu sarunōja
Dzeivōt obim vīnā mōjī.
Jys ir styprs, gudra jei —
Jōbēn lobai dzeiveitái!
I lai navā pōrprotumu,
Pījem taidu nūlykumu:
Medät škierti, kūpā nōkṭ
Samedeitū nūtīsōt.
Vylks koč lels, a glups bez gola:
Samedej kū — nas iz olu.
“As iesšu pyrmō,” soka lopsa,
“Tai smolkō pīklōjeiba prosa.”
Pīsāst klōt i apād vīna
Gordumus nu mediejīnā.
“Tys táv,” lopsa vylkam rōda.
“Tī tik kauly viņ i ōda!”
Soka vylks ai osorom.
“Tai, maṇ rōdīs, runōjam?
Maṇ vīnolga. Munuprōt
Varom ūtraiž nūrunōt.
Tagad medät īšu as.”
Gaida vylks, kū lopsa nāss.
Lopsa atnas lelu tīsu.
Mozūs začalānu mīsu.
Salīk garšeigi iz golda.
Vylka jau kōrī zūbus školda,
A jū attur lopsys runa:

“Tagad otkon kōrta muna.
Tai, pyrms gōju as nu mōjom.
Más ar tevi nūrunōjam.”
Lopsa ād i teiksmynojās:
“Gudrim vysod labi klōjās!”
A deļ vylka boda prīka
Otkon napamat ni nīka,
Tik ai smīklu zūbus rōda.
Vylks aiz nyknuma i boda
Sagiun lopsu vilteigū.
I ai baudu apād tū.

Prōts ir dūts, lai dzeivōt gudri,
A kas krōp, tys īkreit mudri.

SYLTS SALDIEJUMS

Ķaiz puika nūpierk saldiejumu —
Pyku soldonu i glumu.
“Gords,
A solts!”
Tai puika nūdūmoj pi sevš
A Dīvs ir puikam atjauteibu devš:
Jys salīk saldiejumu blūdā īskā
I nūlik ceplá prīškā
Pasīldät.
Pec strāčis atīt paraudzät,
A blūdā vairs tik škidrīs kriegums palicš pōri.

Īt draugs i rádż, ka puika laizōs kōri
“Kū tu tá laizīs
Pa kriejumu bez maizis?”
“Kas táv par bādu?
— As syltu saldiejumu ādu!”

Cytraiz sylts nu solta.
Atsaškir kai malns nu bolta.

BALONS

Raiz bārnam izdōvynoj balonu,
Kū pīpyusť var ai gaisu.
Jys cīži prīcojās par dōvynu,
Bet tivleņ golu raisa
I aši
Īpyuš dvašu.
Ai, cik skaists!
Väl drusku īpyust? Baist!
Bet drusku dar.
Pec breiža otkon vajag pyust.
Väl drusku? Var!
Balons otkon lelōks kliust.
I otkon drusku! Väl pazapläss gon tys,
A pieški — bac!
Pleist balons! Pyutiejs nūzabeidš ir pats.
Nu skaistō balona rūkōs ir tik skrondys.

Tá gudrums eiss —
Par māru pliessīs — pleiss!

KUCALĀNA NADORBS

Mozs kucalāns iz greidys
Tusdama, elsdams sveida,
Plyukdams grōmotu,
Iz greidys atstōtu.
Ai smolkīm, jaunīm zūbim,
Kas nīz iz kūssonu,
Jys sagrauž rūbu rūbim
Skaistū grōmotu.
Nōk saimineica bōrdamīs:
“Kas, Pinčuk, tei par lītu?
Niu saimnīks tevi strōpāt īš!
Voi grib, lai tevi sītu?
Lai saitī tur aiz styura?
Tī, suneiļ, dzeivā syura.”
Baiļ saimineicys bōršonōs!
I kucāns, pīmīdzš ásti,
Lein molkys kastī,
Lai pazaslāpt zam tōs.
I izbōzš purni ūrā.
Jys raudīs bolsā vōrā:
“Tu jau poša mōciejusá,
Lai as izavadu klusi

Gultā naleinu ai kōjom,
Ni nīka nastīpu nu mōjom.
Zūbim pagrauzt var tik tū.
Kū rádż zámī nūsvīstu,
Tei sapplyukōtō grōmota
Iz greidys beja nūsvīsta.
Puika památá iz greidys,
Tō pec as i nazabeidūs.
Mudri pajiemu tū zūbūs
Sapplyukōt mañ ôtri ļubās.”
Vacīs Duksš, kas dzierd šū brāku,
Jämäš mōcāt kucanāku:
“Puika — cylvāks, prōtu vōju,
Kas tik małdeišonai dar.
A ka sunám pasleid kōja,
Jū tod per!”

Naaizmierst: pañ sunş sprīž tīsu
Par tovu dusmi napatīsu.

VYSTA DEIKĪ

Vysta verās: peilá īş
Deikī bolta mozgōtīs:
Kņobi lapni gaisā rīž,
Plotū sūli škeibi grīž.
Peilānāni — pikū-pak:
Sovai mōtái pakal tak,

Vysta nūdūmoj pi sevš
“Voi to jai viņ Dīvs ir devš
Boltai bŷt i lepōtīs?”
Īš jei ari mozgōtīs.

Vysta
Cik ţaiz nav jau bōrta, systa:
— Naleiņ tī, kur navajag! —
Syt jū — bāg,
Apzagriž i napīmiņ.
Otkon jaunā škodī lein.
Cōli,
Mozi, īdzaltoni, bōly,
Navareigī, glupiņkī,
Kur īt vysta, tī i jī.
Deikā molā vysa saimá,
Vysta komandej i klīdz.
Cōli bailī čīpst i spīdz —
Iudinī leist lela baimá!
Beidzūt vysta spākus sajem,
Nasavolda speiteigijam
Raksturam.

A pa tam
Cōli raud̄i čeipst, i sal;
“Grīzīs, māmen, atpakaļ!”
Vysta tikkū deikī leida,
Soltō iudinš pōrzabeida.
Kryutīs elpa sazaspīžās —
Vysta grymst, tik burbulš grīžās
Peilā pamanāja bādu,
Pīspīž sovu plotū pādu,

Atmaun vystai paleigā,
Izvalk slápnu krostmolā.
Smejās: “Niu tu pōrzabeidi!
Kō tu, glupō, deikī leidi?
Tu na moza. Jōatškir,
Kas deļ kura dereigs ir.
Vysta iudinám par gausu.
Jai ir jōdzeivoj pa sausu...
Tikai peilis plotkōjis
Breivi deikī maudojās.”

Lai pec laika nacál̄t brāku,
Labi apsvář sovu spāku.

SMOGŌ NOSTA

Pīterešam nabogam jōceļ lela nosta.
Jys pi dorba naparosta
Grūzōs tai i cytaidōk —
Nikō ai spāku napanōk.
Jam i prōtā naīnōk.
Ka tam spāki mozi väl,
Nostu cál̄t.
“Nasaprūtu —
Kō pec tāvs ai vīnu rūku
Jem väl pa nostai smogōkai.
A as nikai!”
Dūmoj, prōtoj — izprōtoj,

Kai tei līta jōkōrtoj:
“Tāva peipi zūbūs līci,
Golvā lelū tāva mici —
I tu bȳsi styprinīks!
Nosta cālsīs tai kai nīks.”
Izlīk tāva mici sleipi,
Zūbūs pajem ryugtū peipi.
Niu bȄs Pīterš styprinīks!
A nikō!
Nosta guļ kai apbūrtō.
Taišni dusmys ir iz tōs!
Sträči Pīterš padūmō
I tod skumi nūrunō:
“As väl laikam asu mozs!”

Raug —
Leidz kotrai nostai jōizaug.

KAČA VACUMS

Mozō Mará paslapus
Glōsta mozūs kačānus,
“Oi, cik mozi! Smīkleigi!
Taidi mozi-moziņki!
Väl pavysam okly tī!”
Vacō kačiná tik šnōc.
Namīreigs jai irā prōts,
“Mará, verīs, nanūdori

Munim moziņkijīm pōri!”
“Minceīt-kačeīt, nazabeis̄t!
Redž, cik as jūs maigi nasu.
As tik grybu apzavärt,
As jau ar vǟl moza asu!”
“Tu deļ kača jau par vacu —
Seši godi tāv aiz placu.”
Mará apzastōj i dūmoj:
“Mincá patīseibu runoj —
Seši godi jau aiz placa.
Ak, tu myužš, cik asmu vaca!”

Cylvākam voi kačam viñ —
Dzeivá vysim ôtri skrīn.

ZVIERBULŞ

Lein zvierbulş klöt pi auzu kulis.
Ástá prīkā tai i kuläs —
Dabōš auzu niu leidz valái.
“Gon jau pītikş munai dalái!”
Zvierbulş dūmoj nasōteigi.
Īkñōb dažus gordus gryudus,
Jau jam mōga tai kai spryudūs.
“Tá jau gryudu bezgaleigi!
Ir gon naprōteigi laudş —
Zyrgim sadūd äst tik daudz!
Šymā kuli garu godu

Zvierbulš remdynōtu bodu,
A zyrgs kai ̄aizi īskā lein,
Palīk tukša kulá viñ.”

Zyrgs tik ausi kustynoj,
Kū tys zvierbulš čīpstynoj
“Kas dora lelu doramū,
“Tys apād lelu ādamū.
A moži sliņki, tai kai tu,
Ād žielesteibys dōvynu.”

Pyrms lelu daļu pīprasät,
Tū vajag dorbā nūpeļnät,

SKRŪZÁ

Iz okys molys nūlykta stōv skrūzá.
Tei īdūmeiga lapni ūsu rūza:
“Redż, kaids nu maná ̄audim priks!
Kas cyts, na as, jīm veļdzi snīgš.
A caurums malnýš šak, kū ̄audš
Par oku sauc,
Kam tys ir vajdzeigs?”

Oka
Nūgaida, kod skrūzá runu beigš,
I soka:
“Tu napadūmoj,
Kū tu runoj!
Ka okys nabȳtu, kur iudini var smál̄t

Voi bȳtu vajdzeiba pi lyupom skrūzi cált?”

Cylvāks ari lepōtīs na ḥaizi mōk
Ai lobumim, kas jam nu cytim nōk.

DOBYS PRŌTS

Kačiná, kai kotra mōtā loba,
Vad mozūs kačus plašā dobā
I jemās īstōstät,
Kai vysu īpazeīt.
Par sauli izstōsta, par zámi, guni,
Skaidroj vacū īnaidu ai suni
I vysu seikumūs.
Mozī kači klausōs. Kluš.
“A itá,
Kas tá zuz,
Tei — bitá.
I breineigs dobys prōts.
Kaids liktinš jai ir nūzeimōts:
Guļ kotrā zīdā pilinš solds,
Pec tō lein bitá mada kōrī,
Pi spōrnim pīlypst zīdputekli vōrī,
I bitá tūs iz cytu zīdu nas.
I golā iznōk kas?
Nu puteklim tīm rūnās sieklená, i raug —
Nu sāklys jauni zīdi aug.”
Tá vīnam kačam naskaidreiba rūnās:

“Māma, tu ka īleiņ kriejumpūdā,
Pec dobys prōta kas to — pūdi dzymst voi gūvš?”
Kačineitá nūzakaunej. Kluš.

Ir jōatškir, kas dobys spāks,
A kas tik tovys izlaideibys grāks

LÁLIS

Apaleitá,
Maitineitá
Bōvādamōs sovvalej
Mōtā īrauga i rōj.
Apaleiti
Pōrjem nikeiši i speiti
Mōtis napaklausa jei,
Līlōs sovai láleitái
“Maņ jau pošai sovi prōti,
Sovom lálom as par mōti.
Maņ nikas vairs naīrunōš,
Kū maņ darāt spieļōs munōs.
As ai sovu lálū boru
Kū tik grybu, tū i doru!”
Mōtā tik ai golvu krota
Kaidi niki maitai prōtā.
Pajem žagareņus rūkā,
Lūkonus nu bārza kūka,
I Apalái,

Sovvalái,
Pierīnš nōk pa vītu tū,
Kas cīš par kotru sovvali
Raud, Apaleitá, eļsinej.
Nu lálom drusku kaunīs jei:
Poša sovu lálu mōtá,
Tagad pārta ir i rōta.
A lai sōpis ūtrōk klustu,
Pajāmusá tāva jūstu,
Lálom pierīni niu sūla.
Lális lelōs acs tik būla,
Baiļōs sirds paļ napapukst
Tikai vīna klusu čyukst:
“Kotram dzeivī sprīdīejs ir,
Kas dorbitm borgu tīsu škir —
Voi tu labi padarieji.
Voi pierīni nūpeļnieji.”

I tai ir —
Ir kotram koids, kas tīsu škir.

PĀRSOKYS

Div dzeivis goly säd, pi ceplá sylta —
Bārns i vacō mōtá.
Stōstōs pōrsoka. Iz teiksŕmu tylta
Tōli, tyvi tāli pīnōk klōtu,

Pōrsokom ir mīreigs rytums

Pōrsokā jukst eistynīs i škitums.

“Beja karalš ̄aizi. Princesá jam m̄aita beja.

Svešys zámis kieneñdāls jū īmīläja...”

Kieneñdāls — tys tikai mōnš.

Vacū mōti apprecäja pošys Jōnš.

Klausōs bārns i sirdš sañ prīkā,

Klausōs pōrsokā i mīgā.

Vacō mōtā stōsta. Kačš pi kōjom ̄nurr.

Labi, sylts, bādu nav nikur.

Gribi — klausīs, gribi — īsnaud̄ breivi,

Värt dzeivi pōrsokā. värt pōrsoku par dzeivi...

“I tod jam jōizškir,

Voi ceļu kairū īt, voi tū, kas jam pa lobū ir.”

— Par celim vacai mōtái jōdūmoj vairs nav,

Vysi celi izstaigōti jau.

Durs pādejōs tik jōattaisa valī,

Bȳš jei tod jau bezgaleibys dalī.

Bārnam agri väl sōkṭ celus škierṭ,

Lobōk atlaut̄ acim snaudā pīzavärt̄.

Īmīgst... pazamūst...

Vacōs mōtis lyupys tōlōk kusṭ:

“Sešys golvys beja nazvieram,

Vīnu nūcierṭ — izaug vītā trejs.”

Vysu dzeivi tai. Leidz pošam vacumam

Ryuúpu nazvierš namiteigs

Viersā lein.

Vīnu apáj — trejs jau preteim slīnās. —

Bārns niu pieški pasōk baili just̄:

Nazyn kas tī kokta ānā kusṭ?

Voi na trejsgolvainīs īleids,
Guļ niu mīreigs?
“Bejš as lels! As parōdeitu jam,
Nazvieram tam baigijam!”

Mozs voi lels, voi jauns, voi vacs,
Dzeivoj kotrs nu pōrsokys —
Drusku maloj, drusku tiç,
Mōnī vīnmār īstidzis.

